



INSTITUT ZA DRUŠTVENA ISTRAŽIVANJA
FAKULTET POLITIČKIH NAUKA SARAJEVO
UNIVERZITET U SARAJEVU

INSTITUTE FOR SOCIAL SCIENCE RESEARCH
FACULTY OF POLITICAL SCIENCES SARAJEVO
UNIVERSITY OF SARAJEVO

ACIPS

Association Alumni of the Centre for
Interdisciplinary Postgraduate Studies

Institut za društvena istraživanja Fakulteta političkih nauka i Alumni asocijacija studenata Centra za interdisciplinarnе postdiplomske studije Univerziteta u Sarajevu - ACIPS, organiziraju znanstvenu konferenciju na temu

**MJESTO I ULOGA „OSTALIH“ U USTAVU BOSNE I HERCEGOVINE I BUDUĆIM USTAVNIM
RJEŠENJIMA ZA BOSNU I HERCEGOVINU**

Promatrajući odredbe o ljudskim pravima u kontekstu specifičnosti Bosne i Hercegovine, naročito shodno činjenici postojanja „konstitutivnih naroda“ -- a pojam „konstitutivnih naroda“ se može definisati kao jedan ili više naroda koji dijele zajedničku teritorijalnu cjelinu jedne države -- i konsekvntno tome analizirajući mehanizme zaštite ljudskih prava, može se tvrditi da *neophodni balans u poštivanju pojedinačnih i zaštite kolektivnih prava nije uspostavljen* na odgovarajući način u postojećem Ustavu BiH.

Imajući dakle u vidu i specifičnosti Bosne i Hercegovini u pogledu postojanja konstitutivnih naroda koji kao takvi ne egzistiraju niti u jednom ustavu svijeta, neophodno je promisliti modalitete zaštite prava pripadnika nekonstitutivnih naroda koji također žive u Bosni i Hercegovini. Sa stanovišta pravnog idealizma, ustavna rješenja trebala bi u sebi sadržavati, pored garancija individualanih prava na visokom nivou i garancija za zaštitu kolektivnih prava, istovremeno pružanje i institucionalne mogućnosti zaštite i ostvarenja svih garantovanih prava.

Shodno takvoj polaznoj premisi, kada su u pitanju buduća ustavna rješenja u Bosni i Hercegovini o kojima se veoma često diskutira u javnosti, jedan od osnovnih zaključaka se sam nameće – *ne smije biti drugačijeg postupanja, odnosno različitih nivoa garantovanih prava* bilo kroz normativne ili proceduralne garancije za bilo kog građanina Bosne i Hercegovine, odnosno pripadnika kolektiviteta, a čija prava takođe moraju biti zaštićena na istovjetan način.

Zapravo, u skladu sa Protokolom broj 12. uz Evropsku konvenciju, *svako drugačije postupanje po bilo kom osnovu, može dovesti do diskriminacije pripadnika onih koji nisu pripadnici „ekskluzivnih“ etničkih grupa kao što su to trenutno konstitutivni narodi u Bosni i Hercegovini.*

Cilj znanstvene konferencije je analizirati mjesto i ulogu pripadnika „Ostalih“ u budućim ustavnim rješenjima za Bosnu i Hercegovinu. Rad konferencije odvijati će se na panelima koji će obuhvatiti *ustavno-pravne aspekte problema, političko-etičke implikacije na društveni život Bosne i Hercegovine, kao i specifične znanstvene uklone iz filozofske, socio-lingvističke i ljudskopravaške perspektive, kao i mogućnosti za aktivističko djelovanje kroz aktere civilnog društva.*

Konferencija će se održati *03. februara 2010. godine u prostorijama Fakulteta političkih nauka u Sarajevu*, a obavijest o ostalim detaljima (tačno vrijeme, program konferencije) će biti blagovremeno dostavljena.

* * *

Pozivamo zainteresovane autore da dostave svoje prijave u skladu sa pozivom najkasnije do **28. decembra 2009. godine**. Prijave trebaju sadržavati:

- Prijedlog rada (do 1500 riječi)
- Curriculum Vitae

Molimo Vas da prijave dostavite u elektronskoj formi na adresu *Instituta za društvena istraživanja* Fakulteta političkih nauka Sarajevo: institut@fpn.unsa.ba

Organizatori će objaviti zbornik odabranih radova, te molimo potencijalne učesnike da imaju u vidu i ovaj aspekt aktivnosti. U zborniku *neće biti objavljeni tekstovi koji su već objavljeni u nekim drugim časopisima*, već samo do sada neobjavljeni autorski tekstovi.

Kako bi postigli što jedinstveniju formu radova molimo Vas da se pridržavate slijedećeg načina opreme radova:

1. Opseg rada – uključujući apstrakt, bilješke, literaturu, grafičke priloge i *obavezan sažetak (summary) na engleskom jeziku* – ne smije prelaziti jedan autorski tabak, odnosno 3.500 riječi u fontu Times New Roman, veličina 12, prored 1,5.
2. U gornjem lijevom uglu prve stranice potrebno je navesti titulu, ime i prezime autora.
3. Navođenje tuđih sintagmi, ideja, podataka i sl. označuje se u tekstu, a ne u bilješkama. Izvor se stavlja u zagrade i sadrži prezime autora, godinu izdanja i, u slučaju citiranja, redni broj stranice; na primjer: (Parsons, 1975), odnosno (Etizioni i Lawrence, 1992:256). Oznake "ibid", "op. cit" i sl. ne koriste se.
4. Bilješke, koje služe na dodatna objašnjenja, komentare ili digresije, označuju se u tekstu arapskim brojem, a navode se na kraju rada.
5. U popis literature - koji dolazi iza bilješki a prije grafičkih priloga - uvrštavaju se svi radovi navedeni u tekstu, i to abecednim redom prema prezimenima autora, te hronološkim slijedom za radove istog autora. Ako se navodi više radova istog autora objavljenih u jednoj godini, valja ih razlikovati slovom (a,b,c itd.) iza godine izdanja.
6. Literatura se navodi na ovaj način:
 - članak u časopisu -
Šporer, Željka (1990) Karakteristike socioloških radova. Revija za sociologiju 21 (3):437-454.
 - članak u zborniku -
Lalić, Dražen, Nenad Bulat (1992) Rat i mladi: Prema novoj generacijskoj kulturi, u O. Čaldarović, M. Mesić, Štulhofer, A (ur.) Sociologija i rat. Zagreb: Hrvatsko sociološko društvo.
 - knjiga -
Pusić, Vesna (1992) Vladaoci i upravljači. Zagreb: Novi Liber.
7. Radu treba priložiti apstrakt opsega do 250 riječi, ispod kojeg treba navesti ključne riječi (do 8) koji se u tekstu obrađuju. Osim toga na kraju teksta potrebno je napisati sažetak (Summary) opsega do 250 riječi na engleskom jeziku.

Molimo Vas da završene radove dostavite u elektronskoj formi na adresu Instituta za društvena istraživanja: institut@fpn.unsa.ba. Svi radovi moraju biti dostavljeni prije održavanja konferencije.



Schweizerische Eidgenossenschaft
Confédération suisse
Confederazione Svizzera
Confederaziun svizra

Embassy of Switzerland
Swiss Cooperation Office Bosnia and Herzegovina

Podržava Švicarska agencija za razvoj i saradnju u okviru projekta „Doprinos ustavnoj reformi u Bosni i Hercegovini“